

# Шарма гор

Кузь нэм да бур шуд!

Эжва йывса войтырлөн газет



Петö 1929 восянь

Субöта, 2013 вося июнь 29 лун 77 (10664)-öд №

Мудерлы мудер и пом воас (коми шусьöг)

## Эжва йывлөн слава Мария Егоровна Лодыгина



Чужис 1932 вося июнь 13 лунö Носим сиктсöветö пырысь Ивановкаын. Пелькöдчис да пусис В.И. Ленин нима колхозлөн, а сэсся «Усть-Куломской» совхозса Носим отделениелөн ясли-садйын. Коммунистической уджывса ударник.

Верöсыскöд быдтис да велöдис вит челядьöс.

Уна вося бур уджысь сетисны «Уджывса ветеран» да юбилейной медальяс, почёт грамотаяс, уна челядьöс чужтöмысь «Материнство» медаль.

Олö Носимын.



Июнь 24 лунö ас вылö уджалысь Василий Иванович Чаланов, кодлы кольöм воын районсян вичмис 300 сюрс шайта грант, ытшкис нин турун 9 гектар выльысь.

- Сортоучастоклысь көртымала 50 гектар видз. Водзöссö налы гора-көдза. Кольöм воын грант вылö босьтис ытшкан агрегат. Зэв бур. Уджалан и шойчан. Ставыс ки улад. Район кө отсалас прессуйтчанöн, турунön могмöда уджык овмöсöс. Босьтöны ас овмöсыя,

олöмаяс, кодьяс оз нин вермыны заптыны турун, но оз лэдзчысьны скöтысь. Найöс ёна кокньöдам. Босьтöны и крестьянин овмöс кутысьяс. Кольöм воын А.М.Бабаханов ньöбис 20 тонна. Талун локтöны Ульянаысь Медводдза лунö ытшким бобöнянь сора туруна видз юкөн. Бергöдлим, куртим, прессуйтим. Дась вузöс вылö, - висьталис Василий Иванович Чаланов.

Марина ДАДАШОВА.

Авторлөн снимок вылын: Г. Китаев.

## ТÖДÖЙ, МЫЙ ВЫЛЫС

### ПЕТКÖДЧИСНЫ-НЬÖБАСИСНЫ

Бур скöтлөн республикаса выставка вылö ветлис «Пожöг» кооператив. Сэтысь босьтис квайт холмогор ялавичöс. Овмöдисны Кекурса скöт картаö. Выставка вылын петкöдлисны Вольдинысь Р.К.Лютоевалөн овмöсысь көзаясöс, дзодзöгъясöс, уткаясöс да индюкъясöс.

### ВЕТЛИСНЫ УДОРА МУ ВЫЛÖ

Косланö, коми книгалөн республикаса гаж вылö, кодöс сиисны Альберт Ванеевлөн чужöмсян 80 во тырöмлы, ветлисны челядь библиотекайн веськöдлысь С.К.Тесленко да шöр библиотекаысь методист Г.А.Пашнина.

Сэни жö Ф.Ф.Павленковлы сиём лыддысьöмъяс вылын тöдмöдисны, кыдзи миян библиотекаын уджалöны челядькөд, лэдзöны налөн кывбуръясысь, висьт-мойдыясысь, серпасъясысь книгаыс, котыртöны да нубöдöны В.Т.Чисталёвлы сиём лыддысьöмъяс, кутшöм йитöдъяс кутöны районса нималана гижысьяскөд да с.в.

### ЧЕЛЯДЬ ДА СТУДЕНТЪЯС ОТСÖГÖН

Аныбын вöчöны челядьлы ворсанин-ёнмöдчанин. 20 сюрс шайт вичмöдис районса администрация, 9 да джын сюрс - овмöдчöмин. Вöчасöны челядь да каникулъяс вылö воом студентъяс.

### ЧУЖТIS ÖТПЫРЙÖ КЫКÖС

Июнь 19 лунö Паспомысь Вероника Двоглазова чужтис öтпырйö кыкöс - Тимурöс да Максимöс.

Таво Паспомын найö нельöд да витöд выль чужысьяс. Кольöм воын посёлкын чужис та мында жö кага, Носимын кык.

### ПУКТАЛÖНЫ ПЛАСТИК ÖШИНЪЯС

Кулöмдинса шöр школаын босьтчисны вежлавны öшиньяс. Пластик öшиньяс таво пукталасны школалөн веськыдладор юкөнса классъясö, көни төвъясын овлö кодзэд.

### КУРЧАСЬÖ ВÖРСА ЛУДИК

Вöрса лудик курччис нин районса 69 олысьöс, на пыин 8 челядьöс. Көкъямыс мортлөн вöли лудиклөн курччöмысь видзан прививка. Бурдöдчанинъясын перйöм 44 гаг мөдöдлисны юркарас лабораторияö, нельын сюрис энцефалит. Шыöдчысь 49 мортлы пыр жö вöчисны прививка.

Вöрса лудикъяс медся азымöсь Ручын, Кулöмдинын, Керчомъяын. Медводдза курччöм казалисны Ручын апрель 21 лунö.

Асланым да общ. корреспондентъяс, районлөн сайт выльысь.

### Чолöмалöм

Кулöмдин районса пыдди пуктана олысьяс! Дона асмуывсаея!

Июнь 29 лунö Керчомъяын кызьöдысь мунас районса «Пыжа гаж» праздник. Йöз чукöртчылöны гажöдчыны Вад ты дорö 2 воон öтчыд, и тайö гажыс - районлөн олöмын тöдчана лоомтор. Татшöм аслысикас гажыс абу сэсся республикаын некöн. Пыжъясөн сынöм, спорт да коми йöзкостса ордйысьöмъяс, частушкаяслөн конкурс, бипур вылын пуём юквöн да пузьöдöм чайөн номсöдлöм-чöсмöдлöм, районса да бокысь воом сылысь-йöктысь котыръяслөн öта-мөдсö вежлалöмön гажöдчöм

муно лунтыр. А районса гудöкасысьяс-лөн ворсöмыс важкысян нин лоö тайö гажлөн аслысполöс рөмөн.

Эскам, мый кызьöд «Пыжа гаж» ярьюгд петкöдчöмъяснас дыр кежлö коляс вежöрас госьтысьяс, гаж вöчысьяслы да Эжва йывса войтырлы, козыналас кыпид лов, нимкодълун, пуктас ыджыд пай Коми республикалысь да районлысь национальной оласног сөвмöдöмö.

«Кулöмдин» муниципальной районса юралысь - районса администрацияөн веськöдлысь Д.А.ПАТОХИН. «Кулöмдин» муниципальной районлөн Сöветса председателъ А.Н.КОНДРАШКИН.

Администрация МР «Усть-Куломский» доводит до сведения родителей (законных представителей) информацию о приеме заявлений в строящийся детский сад.

Прием заявлений будет осуществляться в здании администрации МР «Усть-Куломский» в кабинете № 13 («Служба одного окна»), на первом этаже. Режим приема заявлений с 9.00 до 13.00 часов, с 1 по 12 июля 2013 года. Заявления на прием в детский сад будут приниматься с учетом комплектующихся групп на 2013-2014 учебный год:

- II группа раннего возраста (от 1,5 до 2 лет) - 1 группа;
- I младшая группа (от 2 до 3 лет) - 2 группы;
- II младшая группа (от 3 до 4 лет) - 1 группа;
- Средняя группа (от 4 до 5 лет) - 1 группа;
- Старшая группа (от 5 до 6 лет) - 1 группа.

Прием заявлений для дальнейшего комплектования детьми на 2014-2015 учебный год и далее будет осуществляться в детском саду в соответствии с режимом работы учреждения.

Обращаем внимание, что в связи с отставанием от графика выполнения работ, открытие нового детского сада запланировано на 1 октября 2013 года.

Комплектование групп на 2013-2014 учебный год будет осуществляться в МДОУ Усть-Куломский детский сад № 4 детьми 2009 года рождения, МДОУ Усть-Куломский детский сад № 8 «Солнышко» - 2010 года рождения, МДОУ детский сад общеразвивающего вида «Улыбка» с. Усть-Кулом - 2010 года рождения.